

AGENDA

Bydd y Sesiwn yn dechrau am 2.00pm

Eitem 1

Cwestiynau Llafar i'r Prif Weinidog

Cliciwch [yma](#) i weld y cwestiynau

Eitem 2

Datganiad: Hynt y Strategaeth Sgiliau Sylfaenol

Eitem 3

Datganiad Busnes: Y Gweinidog dros Faterion Gwledig a Threfnydd y Cynulliad

Cliciwch [yma](#) am y Datganiad Busnes Drafft

Eitem 4

Cymeradwyo'r Cynllun Gweithredu Cenedlaethol i Gymru ar Dai i Bobl Dduon a Lleiafrifoedd Ethnig

NDM1041 - Cynnig bod y Cynulliad Cenedlaethol:

1. Yn cymeradwyo'r "*National Black, Minority Ethnic Housing Action Plan for Wales*" - a e-bostwyd at aelodau ar 29 Ebrill 2002;
2. Yn cefnogi'r camau a nodir yn y Cynllun i helpu i oresgyn y gwahaniaethu a'r anfanteision a brofir gan gymunedau o bobl dduon a lleiafrifoedd ethnig sy'n byw yng Nghymru; ac
3. Yn cydnabod y bydd gofyn i bob lefel o lywodraeth, pob sector, sefydliad ac unigolyn weithio gyda'i gilydd os am gyflwyno a datblygu'r Cynllun Gweithredu.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol:

(1)+(3)

(2)+(4)

Gwelliant 1 - Jocelyn Davies (Dwyrain De Cymru)

Ym mhwynt 1 dileu 'cymeradwyo'r' a rhoi 'nodi'r' yn ei le

Gwelliant 2 - Jonathan Morgan (Canol De Cymru)

Dileu Pwynt 2 a rhoi:

Yn cydnabod bod gwahaniaethu ac anoddefgarwch yn wrthun i'n cymdeithas ac yn cytuno i fynd ati i hyrwyddo mwy o werthfawrogiad a dealltwriaeth o'r holl ddiwylliannau sy'n cael eu cynrychioli yng Nghymru, yn ein hysgolion, ein gweithleoedd ac yn ein gweithgareddau hamdden, ac wrth lywodraethu ein gwlad.

Gwelliant 3 - Jocelyn Davies (Dwyrain De Cymru)

Dileu pwynt 3 a rhoi:

Yn cydnabod y bydd angen rhoi cyfle digonol i bawb gael hyfforddiant, ynghyd ag adnoddau ychwanegol, er mwyn sicrhau y gall pob lefel o lywodraeth, pob sector, sefydliad ac unigolyn weithio gyda'i gilydd i ddarparu a datblygu'r Cynllun Gweithredu.

Gwelliant 4 - Jonathan Morgan (Canol De Cymru)

Ar ddiwedd y cynnig ychwanegu pwynt newydd:

Yn sicrhau bod digon o ddeunydd cyhoeddusrwydd perthnasol ar gael, ynghyd â chanolfannau cynghori a all ateb cwestiynau a gweithredu pan fydd angen.

Cliciwch [yma](#) i weld y "*National Black, Minority Ethnic Housing Action Plan for Wales*" - Ar Gael yn Saesneg yn unig

Eitem 5

Dadl wedi'i henwebu gan Blaid Cymru

NDM1043 - Cynnig bod Cynulliad Cenedlaethol Cymru yn galw ar y Llywodraeth i:

1. agor trafodaethau gyda Llywodraeth y DU mewn perthynas â fformiwla ariannu decach ar gyfer y Cynulliad, a honno wedi ei seilio ar angen;
2. sicrhau bod cyfran y symiau sy'n ganlyniad i'r cynnydd yn y gwariant ar iechyd, a gyhoeddwyd yn y gyllideb ddiweddar, yn gyfrannol yr un peth yng Nghymru â'r cynnydd yn Lloegr, gan gydnabod y byddai fformiwla bresennol Barnett yn atal y Cynulliad Cenedlaethol rhag cyflawni'r un gwelliannau yn y GIG yng Nghymru heb leihau'n ddifrifol y gyllideb ar gyfer blaenoriaethau eraill y Cynulliad;
3. pwysu am gynnydd yn y cyllid 'uwchlaw Barnett' er mwyn talu am y cynnydd mawr yn lefelau'r Arian Ewropeidd ac arian cyfatebol y sector cyhoeddus, fydd ei angen ar ôl 2003 os ydym am osgoi dadneilltuo.

Cyflwynwyd y gwelliant canlynol:
Gwelliant 1 - Kirsty Williams (Brycheiniog a Maesyfed);
Dileu pwyntiau 2 a 3.

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad am

9.05 am ddydd Iau, 9 Mai 2002

E P Silk

Clerc y Cynulliad